

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1771 del 08/06/2023

Traduzione in cimbrio

Legante in asfalto un di rige danidar hattma gemacht verte di arbatn zo richta in Laaz

Pinn asfalto un pinn rige danidar atz 6 von prachant soinse gemacht verte di arbatn von earst toal auzzopezzra un zo betra in provintziàl bege 133 von Laaz, dar bege von “Kaiserjäger” von east bèltkriage, boda pintet di Valsugàna pittar zimbar Hoachebene, boda sa iz khent gemacht von ziklistn von Giro d’Italia vert 2022. Di arbatn hãm gehatt ågeheft in bimmat von djar 2021, sperrante in bege un lazzanten offe a tiabas a bòtta lai vor khurtza zait vor di turistn, asó azpe da hãm gehatt gevorst di aministrator von lentar vodar Hoachebene un azpe ma hatt khött, lai vor in Giro. Dòpo z’soina offegestânt vor da bintar stadjong dar bege iz bidar khent gespèrrt atz 15 von madjo zo macha verte di lestn arbatn.

“Bar khönaz kontént von sèll boda iz khent getânt, machan mearar sichar un destran in bege von laaz, nå in sèll bodaz iz khent khött saibe dar mångl von kamöüschaft bosen ågeat” hatta khött dar vorsitzar vodar autonome Provìntz vo Tria Maurizio Fugatti. “I bill khön vorgèllz Gott in tèknischen struktorn vodar Provìntz, in firme un in arbatar boda hãm gearbatet aftz disan prodjèkt”. Richtn disan bege billz muanen gem a bichtega pintom vor di laüt un vor bazta ågeat in turismo aftz dise saitn. Dise arbatn helvan darzuar zo haba sicharne un destre beng in da gântz Provìntz”.

Di arbatn hãm gehatt ågeheft atz 6 von bimmat von djar 2021 bevrante in bege inngrabante in kròtz un sichrante afte sait zuar in pèrge. Spetar di arbatn, asó azpe bar hãm khött obar, soin khent augehaltet auz pan bintar von djar 2021-2022 un dena von 20 von madjo sin atz 5 von herbestmånat 2022.

In vorgånate herbest soinda khent augemaurt di maurn pitt stachl botümm un gelekk di guardrail auz nå. ’Z izta khent nidargelekk dar asfalto un dar bege iz bidar khent offegetânt vor da bintar stadjong atz 21 kristmånat 2022. An lestn, von 15 von madjo vort, soinda khent gemacht di lestn arbatn zo riva au allz.

DI BICHTEGARSTN DATE TEKNÈSCH – AMINISTRATÌF

Plånar un dirèktor von arbatn : inz. Paolo Nicolussi Paolaz – dirèktor Amt vo di beng - Apop – Provìntz

Koordinator vodar sicharhait antânto in arbatn: inz. Mauro Pontalti

Vüarar von protzedimént : inz Carlo Benigni Sostitut Diridjént von Dianst vor di beng un di aispanpnen - Apop

Firma boda hatt gearbatet: Zampedri Lorenzo s.r.l. - Pèrsan (TN)

In gântzan toal 1: 844.000,00 euro

Arbatn zuargètt: 06.10.2021

Arbatn gemacht verte: 06.06.2023

Arbatn auzohalta di khnottn

Di arbat boda hkint bartz soin da sèll nidarzolega di spèrrn zo halta au di khnottn in gântzan bartz khemmen zo khosta 130.000 euro, di arbatn bartn âhevan in månat von hõbiat 2023.

Übarsetzt von Schaltarle vor di zung von Toalkamou vodar Zimbar Hoachebene

(cdt)